

Pako Iriondo

• EUSKAL MENDIZALE FEDERAKUNTZAKO PRESIDENTEA •

«Mendizaletasuna eta abertzaletasuna eskutik doaz Euskal Herrian»

■■■Pako Iriondo pozik da, igandean Euskal Herri osoko mendizaleak Elgetan egongo direlako. ■■■ Azken 25 urteetan, euskal mendizaletasuna *mapatik kanpo* egotetik mundu osoan ezaguna izatera aldatu dela diosku. ■■■ Euskal mendizaletasunaren egoera, «sendoa da, 19.000 federatu gara». ■■■ Hala ere, etorkizunari begira gazteenen artean «galdu den mendizaletasunaren ilusia berreskuratzeko» lan gogorra egin behar dela dio.



JAGOBIA MANTEROLA

17 URTE egin ditu Pako Iriondok Euskal Mendizale Federakuntzaren gidaritzan. Erakunde horren 50. urteurrena gogoratzeko jardun du egunotan, baina ilusio handiagoarekin dago igandeko ospakizuna heldu zain.

■ Urtebetetze garrantzitsua da igandekoa.

Bai, noski. 75. urtebetetzea garrantzitsua da, are gehiago euskal mendizaletasunak egun duen egoera aintzat hartuta. Juanito Oiarzabalen lorpenarekin hasita, eskaladan, Alpeetan, Andeetan edota Pirinioetan gure mendizaletasunaren maila altua da, abanikoa handia da.

Igandeko ospakizuna prestatzeko lan handia egin dugu. Izan ere, herriari merezi duena ematea izan da gure asmoa Elgetako festari begira, egun historikoa izango

dela pentsatzen dugulako.

■ «Goazen mendirik mendi»

ekimenaren amaierarekin hasiko da ospakizuna. Euskal Herri osoko mendizaleak elkartzen diren unea hunkigarria izango da oso.

Oso polita izango da. Ni asko pozten naiz, batik bat Iparraldeko jendea ere Elgetan egongo delako. Ahalegin handia egin dugu haiek etortzeko. Haiekin dugun harremana, dena den, ona da. Iparraldeko ordezkari bat gure direktibana dago, eta EMFko hurrengo

orientazio ikastaroa eurek antolatuko dute.

75. urteurrena

«Arreta handiarekin prestatu dugu igandeko festa. Herriari merezi duena ematea izan da gure asmoa, Elgetakoa egun historikoa izango dela pentsatzen dugulako»

dizaletasuna?

Izugarri. Duela 25 urte,

euskal mendizaletasuna arras ezezaguna zen gure mugetatik haratago. Tximist 74 espedizioa egin zenean, inork ez gintuen ezagutzen, *mapatik kanpo* ginen. Gaur, ostera, euskal mendizaletasuna ezaguna da munduan, komunikabideetan isla handia dauka, eta errespetu handia digute. Hori esanguratsua da, bai mendizalearentzat, bai EMFrentzat, baita Euskal Herri guztiarentzat.

Bestalde, material mailan, prestakuntzan, aklimatazioan eta beste hainbat alorrean aldaketa itzela da.

■ 75 urte betetzeak euskal mendizaletasuna oso sendoa dela erakusten du.

Bai, zalantzarik ez. Espainian gu gara federatu gehien duena (19.000 inguru), alde handiarekin; euskal txartela-

ren sendotzea gero eta nabariagoa da (%50ek dute gutxi gorabehera). Urteak aurrera egin ahala, gainera, kopuru hori gero eta handiagoa izango dela uste dut. Horrezaz gain, gero eta aterpe gehiago dira beherapena egiten dutenak, eta gu Frantziako Mendi Federakuntzak euskal txartela onartzeko gestioak egiten ari gara.

Mendiko aldizkari onenetako bat ere (*Pyrenaica*) Euskal Herrian egiten dugu, mendi talde gehienak Euskal Herrian daude. Izan ditugun arazo txikiak elkarriketaren bitartez konpontzea lortu dugu...Zer gehiago eska daiteke?

■ Zein dira EMFren erronkak etorkizunerako?

Umeein, gazteenekin lan egitea. Hori da gure arazoa. Gatzetxoenen artean mendizaletasunaren mailak behera egin du, dezente gainera. Mendi taldeek mendizaletasuna gustuko duten gazteak bilatzeko arazoak dituzte, eta gu hutsune hau konpontzeko asmoz ikerketa batzuk egiten aritu gara azken urteetan. 14 eta 20 urte arteko gazteekin Pirinioetara txangoak eta antolatzen hasi ginen, eta hor jende gehiena joan-etorria doan zelako joaten zela ikusi genuen.

Ondorioz, 8-10 mutileko taldeak bekekin laguntzen hasi gara. 15-21 urte arteko gazteak dira, eta mendiko heziketa ematea da gure xedea, eliteko mendizaleak sortzeko, alegia. Ezin da dirua inbertitu mendizaletasuna ez duenarekin. Jendeari mendiarekin gozatu behar duela irakatsi nahi izan diogu ekimen honekin.

Bestalde, Euskal Herriko mendiak gehiago bisitatzeko eskaera ere egingo nuke, mendi ederrak baitaude hemen. Pirinioetara, Alpeetara eta Andeetara joateko joera nabariegia da.

Andoni Urbistondo

DONOSTIA